

2009 Rhif 2427 (Cy.197)

ANIFEILIAID, CYMRU

IECHYD ANIFEILIAID

Rheoliadau Milheintiau a Sgil-
gynhyrchion Anifeiliaid (Ffioedd)
(Cymru) (Diwygio) 2009

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn, sy'n gymwys o ran Cymru, yn diwygio Rheoliadau Milheintiau a Sgil-gynhyrchion Anifeiliaid (Ffioedd) (Cymru) 2008 (O.S. 2008/2716) (Cy. 245). Maent yn gwneud darpariaeth i Weinidogion Cymru godi ffioedd am gymryd, neu oruchwylio'r broses o gymryd, samplau swyddogol y mae'n ofynnol eu cymryd o dan Reoliad y Comisiwn (EC) Rhif 646/2007.

Mae asesiad effaith rheoleiddiol o effaith y Rheoliadau hyn wedi'i baratoi a gellir cael copiau gan Lywodraeth Cynulliad Cymru, Parc Cathays, Caerdydd, CF10 3NQ.

2009 Rhif 2427 (Cy. 197)

ANIFEILIAID, CYMRU

IECHYD ANIFEILIAID

**Rheoliadau Milheintiau a Sgil-
gynhyrchion Anifeiliaid (Ffioedd)
(Cymru) (Diwygio) 2009**

Gwnaed 6 Medi 2009

*Gosodwyd gerbron Cynulliad
Cenedlaethol Cymru* 7 Medi 2009

Yn dod i rym 28 Medi 2009

Mae Gweinidogion Cymru drwy arfer y pwerau a roddwyd gan adran 56(1) a (2) o Ddeddf Cyllid 1973(1) ac a freiniwyd bellach ynddynt hwy gan adran 59(5) o Ddeddf Llywodraeth Cymru 2006, a pharagraff 1A o Atodlen 2 i Ddeddf y Cymunedau Ewropeaidd 1972(2), a chyda chydsyniad y Trysorlys, yn gwneud y Rheoliadau canlynol.

Mae'r Rheoliadau hyn yn gwneud darpariaeth at ddiben a grybwyllir yn adran 2(2) o Ddeddf y Cymunedau Ewropeaidd 1972, ac mae'n ymddangos i Weinidogion Cymru ei bod yn hwylus i gyfeiriadau penodol at ddarpariaethau mewn offerynnau Cymunedol gael eu dehongli fel cyfeiriadau at y darpariaethau hynny fel y'u diwygir o bryd i'w gilydd.

Enwi, cymhwyso a chychwyn

1. Enw'r Rheoliadau hyn yw Rheoliadau Milheintiau a Sgil-gynhyrchion Anifeiliaid (Ffioedd) (Cymru) (Diwygio) 2009. Maent yn gymwys o ran Cymru a deuant i rym ar 28 Medi 2009.

(1) 1973 p.51.

(2) 1972 p.68; mewnosodwyd paragraff 1A gan adran 28 o Ddeddf Diwygio Deddfwriaethol a Rheoleiddiol 2006 (p.51).

Diwygio

2. Yn rheoliad 2 (Dehongli) o Reoliadau Milheintiau a Sgil-gynhyrchion Anifeiliaid (Ffioedd) (Cymru) 2008 yn lle'r diffiniad o "samplau rheoli swyddogol" rhodder y diffiniad canlynol—

"ystyr "samplau rheoli swyddogol" ("*official control samples*") yw samplau a gymerir gan Weinidogion Cymru o dan unrhyw un o'r canlynol—

(a) pwynt 2.1.2.2 o'r Atodiad i Reoliad y Comisiwn (EC) Rhif 1003/2005 sy'n gweithredu Rheoliad (EC) Rhif 2160/2003 o ran targed Cymunedol ar gyfer gostwng nifer yr achosion o seroteipiau salmonela penodol mewn heidiau bridio o *Gallus gallus* ac yn diwygio Rheoliad (EC) Rhif 2160/2003(1), fel y'i diwygir o bryd i'w gilydd;

(b) pwynt 2.1 o'r Atodiad i Reoliad y Comisiwn (EC) Rhif 1168/2006 sy'n gweithredu Rheoliad (EC) Rhif 2160/2003 o ran targed Cymunedol ar gyfer gostwng nifer yr achosion o seroteipiau salmonela penodol mewn heidiau dodwy o *Gallus gallus* ac yn diwygio Rheoliad (EC) Rhif 1003/2005(2), fel y'i diwygir o bryd i'w gilydd; neu

(c) pwynt 1(b) ac (c) o'r Atodiad i Reoliad y Comisiwn (EC) Rhif 646/2007 sy'n gweithredu Rheoliad 2160/2003 o ran targed Cymunedol ar gyfer gostwng nifer yr achosion o seroteipiau salmonela penodol mewn heidiau o frwyliaid *Gallus gallus* ac yn diddymu Rheoliad (EC) Rhif 1091/2005(3), fel y'i diwygir o bryd i'w gilydd."

Elin Jones

Y Gweinidog dros Faterion Gwledig, un o Weinidogion Cymru

6 Medi 2009

1) OJ Rhif L 170, 1.7.2005, t.12, fel y'i diwygiwyd gan Reoliad y Comisiwn (EC) Rhif 1168/2006 (OJ Rhif L 211, 1.8.2006, t.4).
2) OJ Rhif L 211, 1.8.2006, t.4.
3) OJ Rhif L 151, 13.6.2007, t.21.